

Հոգսերից: Երբ գետի հոսանքը պտոյտ է գալիս, այն ժամանակ ջուրը այնպէս է պղտորում, որ արևի լուսով իսկ այնտեղ ոչինչ չեն կարողանալ տեսնել. բայց վեր առէք այդ պղտոր ջրից մի բաժակ, թողէք որ ինքն իրան պարզուի, այն ժամանակ բոլոր կեղտոտութիւնները կնստի յատակին և ջուրը կդառնայ արտասուքի պէս մաքուր: Թողէք որ ձեր հոգւո մէջ էլ պղտորութիւնը յատակին նստի. գոնէ մի փոքր ժամանակ հեռացէք կեանքի պղտոր հոսանքից և առանձնացէք Աստուծոյ հետ:

Թարգմ. Գրիգոր Բախ. Նոր-Արեւեանց.

Մ Ա Յ Ր Ա Թ Ո Ռ


ՓՈԽԱՐՔԱՅԻ ԱՅՅԸ ՂԵՀԱՓԱՌ ՀԱՅՐԱՊԵՏԻՆ

23 Դեկտեմբ. 1906 թ.

Ամսոյս 19-ին ազգիս Վեհափառ Հայրապետի հրամանով Տեղապահ Տ. Դէորդ Արքեպիսկոպոսը ուղեորուելով Երևան՝ Տ. Յուսիկ եպիսկոպոսի, Սինոդի անդամ Տ. Բաբղէն վարդապետի հետ ներկայանում են Կովկասի Տ. Փոխարքային և Նորին Սրբութեան կողմից բարի գալուստ մաղթելով, հրաւիրում են Նորին Պայծառափայլութեան շնորհ բերել ու էջմիածին ընտանիքով հանդերձ Յաջորդօրը Վեհափառ Հայրապետի կանխագոյն կարգադրութեամբ Տեղապահ սրբազանը աղ ու հաց ներկացրեց վանքի պարըսպի մուտքի առաջ Տ. Փոխարքային և շնորհաւորեց նրա բարի ժամանումը ու էջմիածին: Ապա սկսուեց զանգահարութիւնը և Տ. փոխարքան, իշխանուհի կոմսուհին, դուստրը, հարսը, և այլ բարձրաստիճան հիւրերը և հոգեւորական դասը շրջապատուած ժողովրդի խումբն բաղմու-

Թեամբ շարժուեցին դէպի առաջ, ուր շարքով կանգնած էին Ճեմարանի սաները իրենց ուսուցիչներով, իսկ Տրդատայ դռնից մինչև Մայր Տաճարի մուտքը շուրջառաւորուած շարուած էին միաբանները և երգեցիկ խումբը։ Տրդատայ դուռը հասնելուն պէս երգեցիկ խումբը սկսեց երգել պատշաճ շարական մինչև Տ. Փոխարքայի Մայր Տաճարի մուտքը, ուր կանգնած էին երկու վարդապետ խաչով և աւետարանով։ Տաճարի ներսում Իշման սեղանի առաջ կանգնելով, համառօտ մաղթանքից յետոյ Տեղապահ սրբազանը օրհնեց Թագաւոր Կայսեր, Կայսրուհուն, ամբողջ Կայսերական տունը և Տ. Փոխարքային, Կոմսուհուն, դստերը և հարսին։ Տաճարում Տ. Փոխարքան և իւրայինները համբուրելով սեղանի վրայ դրուած մասունքները, մտան ներսի թանգարանը և մասանց խորանը և Գէորգ Արքեպիսկոսի առաջնորդութեամբ ելնելով Մայր Տաճարից, դիմեցին դէպի վեհարան և այցելեցին արտաքին դահլիճում Վեհափառ Հայրապետին, ապա հիւրերին թողնելով նոյն դահլիճում, Վեհափառը և Փոխարքան իւր ընտանիքով առանձնացան Ծաղկեայ դահլիճը, ուր մի քանի բոպէ միմեանց խօսքեր փոխանակելուց յետոյ Վեհը իւր ձեռքով շնորհեց իշխանուհի Կոմսուհուն ս. Յակովբի մասունքի նշխարը՝ զետեղած հին, բայց գեղեցկաշէն խաչի մէջ, և մի մատանի։ Ապա Փոխարքան ելնելով, մտաւ սեղան պատրաստած դահլիճի կողքին դռնուած փոքրիկ սենեակը ընտանիքով, այդ միջոցին Վեհը փոխադարձաբար այցելեց նոցա նոյն սենեակում, ընդունելութիւնը առհասարակ շատ սիրալիր էր և ուրախ, ապա Վեհը սեղանն օրհնելով, կրկին գնաց ներս և հիւրերը բազմեցին նախաճաշի։ Կենաց բաժակներ առաջարկում էր Տեղապահ սրբազանը, առաջարկուեցին Թագաւոր Կայսեր, Տ. Փոխարքայի, Կոմսուհուն, նորին Սրբութեան և այլ կենացներ։ Նախաճաշի ժամանակ եղիշէ ծ. վարդապետը երկրորդ անգամ բաժակ առաջարկեց Տ. Փոխարքայի և նորա ընտանիքի կենացը։ Իւրաքանչիւր կենացի ժամանակ կեցցէներով թնդում էր դահլիճը։ Նախաճաշից յետոյ թանկագին

հիւրերը Տեղապահ որբազանի, Մեսրոպ, Եղիշէ և այլ միաբանների առաջնորդութեամբ այցելեցին Մայր Աթոռի թանգարանը, մատենադարանը, լճի ափը, տպարանը և ճեմարանը։ Ճեմարանի հանդիսարանում Մեսրոպ վարդապետը մի քանի խօսքով բարի գալուստ մաղթեց փոխարքային որից յետոյ Տ. Փոխարքան մի քանի խօսքով գոհունակութիւն յայտնեց։ Աշակերտները երգեցին «Տէր, կեցո՛ղ Կայսրն»։ Ճեմարանի ննջարան, դրադարան այցելելուց յետոյ Փոխարքան մտաւ և Սինօդ և միաբանների հետ Զուարթնոց աւերակներին այցելելուց յետոյ՝ մեկնեց դէպի Երևան։ Առհասարակ Կովկասի Տ. Փոխարքայի իւր շքախմբով տեսակցութիւնը նորին Սրբութեան հետ շատ համակրական, սիրալիր և ուրախ տրամադրութեան ներքոյ էր։ Փոխարքան Ալէքսանդրապօլից ուղարկեց վեհափառին հետեւեալ շնորհակալական հեռագիրը։



ՓՈԽԱՐԳԱՅԻ ՇՆՈՐՀԱՒՈՐԱԿԱՆ ՀԵՌԱԳԻՐԸ ԱԼԷԿՍԱՆԴՐԱՊՈԼԻՑ.

Կրկին կնոջս հետ միասին յայտնում եմ Ձերդ Սրբութեան և միաբանութեան շնորհակալութիւն հիւրասէր և սիրալիր ընդունելութեան համար, որ ցոյց տուիք իմ ընտանիքիս։ Յանկանում ենք առողջութիւն և յանձնում ենք Մեզ Ձեր սուրբ աղօթքներին։

Կոմս Վորոնցով-Դաւիդով.

